

ル 5  
3607  
1





西村先生

鍾敬文

一九三六年六月



山海經廣注序

仁和柴紹炳撰

山海經初見漢志劉歆校定為  
一十八篇云是伯益所撰其後  
尤衰指為先秦之書至晉郭璞

一篇每卷有讚



梁張僧繇又為畫圖宋咸平中  
校理舒雅重繪為十卷其書雖  
流傳迄今中多疏略未備同郡  
吳志伊任臣極泝源流為襍述  
一卷又於郭注外蒐而討之為  
廣注十八卷又取舒繪本次第

增訂為圖象五卷都為一部書  
成屬余為序之余既受卒讀服  
其補闕有功迺歎曰嗟乎斯誠  
所謂閱覽博物君子哉蓋記稱  
道費而隱易賢多識以畜其德  
故春秋美國僑倚相周公自言



多藝仲尼之荅楛矢墳芋皆非  
淺見寡聳者可測也如山經語  
近荒怪司馬遷已不敢言然天  
地之間何所不有及其至也聖  
人有不知未嘗謂非道之所存  
而鄙儒小生欲槩以耳目格之

乎相提而論蓋是禹貢之外篇  
職方之附庸耳自晉方輿之士  
信而有徵若畢方貳負長臂兩  
面箴石之類援引本末皆出於  
是書閱覽博物所資烏可廢也  
借謂虞夏先典而有長沙零陵



桂陽諸暨之名疑屬子虛此顏  
之推斷爲後人羈入者是矣且  
達識者比類而觀寧得以豫章  
斥本草之訛張仲排爾雅爲僞  
乎故志伊殫精是書使山川方  
域草木禽魚靡不考鏡同異條

貫表裏網羅羣籍要諸明備庶  
幾好事鼓吹來學津梁正復張  
舒金駕景純可作亦何多讓焉  
雖然志伊三十年名士好學深  
思著書滿家爲吾黨共推何事  
不辦若余則衰遲善病於道罔



興月四  
聞記問昏忘舊業日替豈復足  
備揚摧顧自念董子觀道大原  
而識重常之日陶淵明讀書不  
求甚解而好覽山海經形諸賦  
咏是知六籍之外聖賢載記為  
學者不遺既以稽古兼能格物

余雖歛啟無似於是集猶篤好  
之斷未敢以玩物喪志為解而  
願為閱博君子執鞭前導可也  
昔

康熙歲次丁未秋九月



山海經廣注序



經籍志載地理書二百四十四家山海經最爲近古論者以虎齒豹尾九首一目之奇譏其誣誕不經又以長沙零陵丹陽番禺類秦漢地名疑後人所作且苗民西王母帝俊驩頭之屬更復叠見牴牾然代當秦火簡策錯亂故不無傳疑而中間典籍畧同者若鳥鼠同穴與禹貢合屏封岐頭與王會解合明組旄牛與爾雅合崑崙弁茲與穆天子傳合湘水二女與離騷合焦僥奇肱與竹書紀年合他如禺彊爲禺京司幽爲思幽延維爲委蛇女丑爲女仞雜



山海經卷之五  
證莊列管子抱朴諸書逖覽旁通鴻纖畢貫則山海經實  
博物之權輿異苑之嚆矢也蓋二氣磅礴萬彙區分六合  
之內何所不有卽陰陽變化莫大五行而華陽溫泉蕭邱  
涼燄交州浮石南海沉木且有易其本來反其性始况下  
此者乎古人云少所見多所怪世之不異未始非異世之  
所異亦未必盡異也彼盜械之尸出自上郡畢方之鳥獻  
于漢廷沃沮見兩面之客海濱獲長臂之衣其事時見于  
軼書班班可考居恒讀山海經每怪注多缺畧因泝厥源  
流撮其梗概爲雜述一卷徧羅載籍仍冠以郭注爲廣注

十八卷又取舒雅繪本次第先後增其不備爲圖象五卷  
自惟蠡實未詳識同句申菽菽罔達解昧弘農然竊謂一  
物不知君子所耻昔五酉晰象于宣尼俞兒囑名于敬使  
元遜辨僂囊之號士淡審仲師之形大都垂諸往冊炳然  
來茲高山仰止未嘗不景行行止也抑聞之九州之外復  
有九州斯經所具特亞細亞一隅耳若廼紀慈嶺之西誇  
印度之北占西海孔雀之星侈南極大浪之異抵掌而譚  
縱橫四表則瑰奇弔詭將更有超于耳目尋常之際者余  
則有志未遑矣



康熙五年柔兆敦牂日在析木則陽之月仁和吳任臣撰

讀山海經語

禹貢導山以兩條四境爲叙山海經紀山分東西南北中  
五經南山則自蜀中西南至浙江江南界西山則自華陰  
嶓冢以至崑崙積石諸山今隴西甘肅玉門外其地也北  
山則自狐岐太行以至王屋孟門諸山是禹貢冀雍兩州  
之境也東山則泰岱姑射沿海諸境大要青萊齊魯之地  
形泐家所謂中龍是也至海內經南如閩中鬱林西如上  
郡居延東如浙江廬江不列中土而列海內者良由古帝  
建都冀北三方不復遠及惟北境幅幘最廣故北經以朝



鮮諸國爲斷則亦今之東北徼也若大荒爲海內之外地  
海外又大荒之外表經文具在茲不概悉

山勢原于西北故禹貢導山以岍岐爲首地脉由于南轉  
故伯益作經以隄山爲先自北條北境南境至南條北境  
南境應江河兩戒之說者禹貢之治也自南山而西山而  
北山而東山而中山合地氣右行之說者山海經之序也

大荒獨首東經者此本舊  
逸在外疑次序有錯耳

經內紀僕牛王亥夏啓叔均皆禹以後人長沙零陵緱氏  
番禺皆秦漢時地名且長右山郡縣之稱非三代前語要

知山海經原係伯益所作古本無多後好事者因而粉飾  
傳會之益復錯雜不經如概謂此經非古書則疏屬之尸  
兩面之人何以往往取驗自非禹益神人不能撰也

山海經多用古字如鵠作雒豚作逐楸作櫛甕作雍吟作  
欽嘔作歐盲作曹鱗作麟神作魍鬪作嬰虺作虫徭作絲  
砥砮作武夫滹沱作虜勺扶桑作博木鷦鷯作鳴鳩猶有  
漆書竹簡遺意時本間有易隄山爲鵠山者大非古人重  
吉日癸巳之旨

山海經有韻語如視爲晝瞑爲夜吸爲冬呼爲夏渾渾泡



山海經廣注  
泡其實如桃黃華而赤耐食之不勞正立無景疾呼無響  
爰有大暑不可以往皆押字爲韻亦古文之一奇也  
經有育沛曼兌瘁交吁咽等物此或古時語與今稱名自  
殊有如蜀都賦之翁檄毘陵志之俊迭不可得詳也  
經中物類繁蹟稱謂易淆有名同而實異者鳥名肥遺蛇  
亦名肥遺木名離朱鳥亦名離朱鷓鴣三首比帶山者迥  
殊畢方一足與人面者較別又蠻蠻比翼鳥也而剛山之  
鼠偕稱羅羅青虎獸也而萊山之禽符號析類相求庶無  
鶉雞之譌螭螟之誤矣

崔蹟辨羊腸之坂敬宗知濟潔之源自古稱爲博洽讀山  
海經者須識道里有遠近曩今不同名西經勞山非齊地  
勞山入洛弱水非合黎弱水青邱國非南山青邱儋耳民  
非交州儋耳不周崑崙有海內外之分浮玉一山有江南  
北之異諸如此類未可枚舉明此思過半矣

山海經名物縷析注家每多疎畧如赤銅赤銀赤金黃金  
白金銀黃赤錫諸名種類自殊原注以赤金爲銅而銀黃  
無解是不知赤金之爲鏐與銀黃之貴于黃金也又蘼蕪  
芎藭葉也一名江蘼而郭氏以芎藭名江蘼辛怡辛雉也



而郭氏以爲芍藥草荔薜荔也而郭氏以爲香草糾晰未精幾何不誤索苦彌也今附注各條下

經所載帝俊苗民驩頭相柳以及建木扶桑屏蓬天吳之屬重見叠出或相矛盾此知後人以已意增入者故彼此不復相謀于原經奚碍

經內道里遠近或有以首山起數者或有隨地計程者亦間有詮次不倫者義例繁多罔歸一定矧代越久遠簡冊淆錯往往而有約畧言之中如南山經句餘山會稽山今相去僅三百餘里乃經所序列尚隔浮玉山成山無慮千

餘里而浮玉山則又句餘之西北與東五百里之說殊不相蒙又海內諸經所載高柳代中東北土也乃與流沙崑崙並見西經大夏月支西北隅也竟與雷澤都州同登東籍非惟地絕廣輪亦且風同牛馬凡此皆循文測義未容臆斷者也姑爲闕疑以俟君子

周秦諸子惟屈原最熟此經天問中如十日代出啓棘賓商泉華安居燭龍何照應龍何畫靈蛇吞象延年不死以至鯨魚魃堆之名皆原本斯經校讐家以山海經爲秦漢人所作卽此可辨



海內經語尤多重複不倫此必前卷錯簡或後人見山海經襲其成說自為一書亦考工記之流也

吳任臣識

山海經雜述

呂氏春秋曰禹東至樽木之地日出九津青羗之野攢木之所搢天之山鳥谷青邱之鄉黑齒之國南至交趾孫樸續滿之國丹粟漆木沸水漂漂九陽之山羽人裸民之處不死之鄉西至三危之國巫山之下飲露吸氣之民積金之山其肱一臂三面之鄉北至人正之國夏海之窮衡山之上之國夸父之野禹彊之所積水積石之山不有懈墮

趙氏吳越春秋曰禹行七年案黃帝中經見聖人所記曰



九疑山東南天柱號曰宛委其書金簡玉字編以白銀瑒其文禹登衡山夢赤繡朱衣自稱 蒼水使者曰欲得我山神書者齋于黃帝嶽岩之下禹退又齋三月庚子登宛委山發石取書按金簡玉字得通水之理復返歸嶽從三子乘四載以行川始于霍山徧集五嶽遂循行四瀆與益夔共謀行到名山大澤召其神而問之山川脉理金玉所有鳥獸昆蟲之類及八方之民俗殊國異域土地里數使益疏而記之名曰山海經使大章步東西孺亥度南北暢八極之廣旋天地之數

家語子夏曰商聞山書曰地東西爲緯南北爲經

列子曰大禹行而見之伯益知而名之孟堅聞而志之

鶴林經云山海經乃夏后師雲華子所著

史記大宛傳太史公曰至禹本紀山經所有怪物余不敢言之也

漢張騫傳贊禹本紀言河出昆侖言九州山川尚書近之矣至禹本紀山經所有放哉

後漢書西南國論曰漢開四方之境款殊俗之附文約之所沾漸風聲之所周流幾將日所出入處也著自山經水



志者亦畧及焉

王充論衡談天篇曰按禹之山經淮南之地形以察鄒子之書虛妄之言也又別通篇曰禹主治水益主記異物海外山表無遠不至以所聞見作山海經董仲舒觀重常之身劉子政曉貳負之尸皆見山海經故立二事之說使禹益行地不遠不能作山海經董劉不讀山海經不能定二疑

張華博物志自序余觀山海經及禹貢爾雅說又地志雖曰悉備各有所不載者作畧說云云又志曰太古書今見存有神農經山海經或云禹所作

左思吳都賦曰名載于山經形鑿于夏鼎

杜預釋例曰天有列宿之號地有山川之名尚矣今其遺文禹貢及山海經載其大略而春秋經國邑之名尤詳

書記洞詮車永答陸雲書曰雖山海經異物志二京三都殆不復過也

顏之推家訓曰山海經禹益所記而有長沙零陵桂陽諸暨後人所彘非本文也

水經注叙曰昔大禹記著山海周而不備引元中記又曰穆天



子竹書及山海經皆埋蘊歲久編草稀絕書策落次難以緝綴又廬水注曰山海經創志大禹記錄遠矣

謝莊詩山經亟旋覽水牒勅敷尋

劉孝儀啓曰雕鏤海籍圖載山經

江淹遂古篇曰山經古書亂編篇兮郭釋有兩人不亡兮庾信終南山義谷銘序曰變理餘暇披閱山經

隋志漢初蕭何得秦圖書故知天下之要害後又得山海經相傳以爲夏禹所記

蕭綺拾遺記錄曰按禹貢山海正史說名山大澤或不列

書圖著於編雜之部或有乍無或同乍異故使覽者迴惑而疑焉

弘明集宗炳與何承天書曰山海經說死而更生者甚衆崑崙之山廣都之野軒轅之叩不死之國氣不寒暑鳳邪是食甘露是飲廕玕琪之樹軟朱泉人皆數千歲不死崔躋答豫章王書曰理高象繫管輅思而不解事富山經郭璞注而未詳

段成式酉陽雜俎曰天地間所化所產突而旋成形者樊然矣故山海經爾雅所不能究



杜佑通典曰禹本紀山海經不知何代之書恢怪不經疑  
夫子刪詩書後尚奇者或先有其書如詭誕之言必後人  
所加也若古周書吳越春秋越絕書諸緯書之流是矣  
文苑英華許敬宗賦曰覽山經而逖聽詠周詩而遐想  
劉知幾史通曰夏禹敷土實著山經

韓愈毛穎傳曰山經地志字書圖畫九流百家天人之書  
盧肇海潮賦狀曰言不及渾天而垂誕者凡五家莊子元  
中記王仲任論衡山經釋氏言曰天

王欽若冊府元龜曰續伯益之山經備成周之上訓

周邦彥汴都賦曰山經所不記齊國所不覩

羅泌路史曰伯益掌火主驅禽獸命山川類草木別水土  
四嶽佐禹益以周四方逮人跡之所希至及舟輿之所罕  
到內別五方之山外分八方之海紀其珍寶奇物異方之  
所生水土草木禽獸昆蟲麟鳳之所止禎祥之所隱及四  
海之外絕地之國殊類之人禹別九州任土作貢益取剽  
文類物善惡著山海經以備稽考又曰禹周行天下草木  
蟲走蜚動蟲魚俾益疏之以爲嶽瀆山海二經

王應麟玉海云方志亦不傳荒經所不載又云惠帝紀注



師古引貳負之臣地理志引瑯邪臺外國傳引黃帝生苗龍列子注引大荒經文選注引東荒中山海南海外西經海外東經海內西經水經後漢書注王逸注楚辭天問多引之左傳疏服虔用山海經莊子釋文引海外經爾雅釋文引山海經及圖讚

又漢菴文志考證曰莊子言多詭誕或似山海經本陸德明語

又地理通釋序曰若山海經周書王會爾雅之釋地管氏之地員呂覽之有始鴻烈之墜形亦好古愛奇者所不廢又小學紺珠曰山海經南西北東中山經為五篇海內海

外大荒三經南西北東各一篇海內經一篇相傳以為夏

禹所記又王氏周山川圖記云風后授圖九州治布山海有經為篇十三

又困學紀聞曰山海經禹益所紀有長沙零陵桂陽諸暨之名本草神農所述有豫章朱崖趙國常山奉高真定臨淄馮翊之稱爾雅作於周公而云張仲孝友蒼頡篇造于李斯而云漢兼天下皆非本文

章俊卿山堂考索曰辨契丹之駁而誦山海經管子之書以曉之則若宋之劉敞

晁公武讀書志曰長沙零陵雁門皆郡縣名又自載禹鯨



似後人因其名參益之跋山海經

陶穀王母宮記曰考山經與竹書故兩留于前事

陸深藏書目序曰山經地志具險易叙貢賦寓王政矣

楊慎水經序曰昔在陶唐水失其行神禹平之史官紀其

濬導之績於是乎禹貢作焉厥後好事者因禹迹之廣旁

及異域圻壤悉載俶詭畢陳於是乎山海經作焉

朱謀埠水經叙曰地理書極稱該博乃今所傳僅山海佛

國十洲神異數種而已

黃省曾山海經水經合序畧曰古山海經十八卷亦字中

之通撰也粵遡往牒則遠方圖物夏鼎之鑄象也聶耳雕

題湯令之備獻也白民黑齒成王之作會也出受八千管

仲之蒐揚也殘遺秦柱蕭何之顯布也獵廣窮長王充之

嗜信也以至孔疏據之以釋經漢志錄之而麗史齊澄演

之而聚書唐典繫之而建部守節屢登于正義應麟富哉

于地鈔江淹補之而不能吉甫刪之而頓蹶

王世貞讀書後曰淮南子其辭出于呂氏春秋玉杯繁露

慎子鄧析山海圖經爾雅

胡應麟經籍會通曰地志昉自山海經陸澄任昉浸盛至



蕭德言等五百五十卷極矣

又三墳補逸曰穆天子傳文絕類山海經而事實大不同自景純取山海經以注穆天子而穆天子傳殘闕不易讀好古之士率先熟山海經胷中讀穆天子而景純之注又分列其下故祇以爲同而弗以爲異試循其本文覈之則二書之旨有天壤之懸者矣

又史書佔俾曰山海經稱禹益實周末都邑簿也

陳一中冠編曰堯八十六載伯益著山海經

黃一正事物紺珠曰山海經禹治水所見著

朱維陞神異經序曰東方朔著神異經記周巡天下所見山海經所不載者列之雖有而不倫者亦列之遂知神異經與山海經類

劉昌允類山曰禹登玉簣山得簡書周行天下伯益記之作山海經

焦竑偽書論曰山海經禹益書也中有長沙零陵桂陽諸暨如此郡縣豈禹時所有耶此類甚多或摹古書而偽作或以已意而妄增

梁寅河源記曰古今河源之說異山海經言崑崙之水赤



黃黑青色以方異其名往往不同或古今變易番漢異稱  
蘆泉劉氏曰淮南子雜以呂氏春秋莊列鄧析慎子山海  
經爾雅諸書

朱長春管子注曰不攬天官不知天之變也不讀地員不  
知地之變也山經簡而穆志怪于恒上古之文也地員博  
而奇衍恒于怪中古之文也

郭延年史通釋曰山經太史公已不敢言尤衰定爲秦書  
疑信者半

顧起元說畧曰山海經古書也第首尾多衝決後世不考

又曰夏英公集古象韻所引書目汗簡說文石經字畧古  
老子山海經古史記古漢書云云

董斯張吹景錄曰向疑列子雜魏晉人筆其竄南華語者  
十之三夸父禹彊思士思女見山海經

劉鳳維俎曰山海經文學大儒多讀學以爲奇

歸有光詩曰昔年曾讀山海經所稱怪獸多異名

陸時雍讀楚辭語曰天地之大何所不有山海經固多可  
疑然安知其事之盡妄者

晉陶潛有讀山海經詩中云汎覽周王傳流觀山海圖後



顏魯公詠淵明詩曰手持山海經頭戴漉酒巾見廬山記  
王應麟曰靖節之讀山海經猶屈子之賦遠遊也

南齊江淹欲爲赤縣經以補山海經之缺不成

南史王筠傳其自序云余少好抄書爾雅山海經本草並  
再抄

宋史蘇頌傳山經本草無所不通又劉敞傳敞學問淵博  
山經地志皆究大畧又何涉傳涉上自六經諸子百家及  
及山經地志醫卜之術無所不學

陶宗儀輟耕錄云莊蓼塘山經地志靡所不具

黃省曾五嶽山人集讀山海經詩三章

後漢永平十二年賜王景山海經注云禹所作漢志山海  
經十三篇劉歆所校凡三十二篇定爲十八篇固已不同  
尤袤定爲先秦之書非禹及伯翳所作

唐六典秘書郎掌四部之圖籍史家十一曰地理以紀山  
川郡國注云山海經等一百三十九部

裴孝源貞觀畫史有大荒經圖

中興書目山海圖十卷本梁張僧繇畫咸平二年校理舒  
雅銓次館閣圖書見僧繇舊蹤尚有存者重繪爲十卷又



載工侍朱昂進僧繇畫圖表于首僧繇在梁以畫著每卷

中先類所畫名凡二百四十二種崇文目同舒雅修○是氏志圖十卷舒雅等撰

或題曰張僧繇畫安也玉海作成平山海經圖

漢志形法者大舉九州之勢以立城郭室舍六家百二十

二卷山海經為之首

書目又有圖十卷首載郭璞序節錄經文而圖其物如張

僧繇本不著姓名大禹治水元奧錄一卷不知作者叙禹

貢治水本末

唐志地理類郭璞注山海經二十三卷又圖贊二卷音二

卷

舊唐書志山海經十八卷圖讚二卷郭璞撰

中興書目山海經十八卷晉郭璞傳凡二十三篇每卷有讚

崇文目晁氏志山海經十八卷

黃伯思校正崇文總目云山海經侍中秀領校秀即

歆也見東觀餘論

宋史新編地理類山海經讚二卷五行類郭璞山海經十

八卷

馬氏文獻通考山海圖經十卷



山海經注  
程俱集宋朝李誠續山海經十卷

焦竑經籍志宋朝舒雅山海經圖十卷

劉會孟評山海經十八卷

楊慎山海經補注一卷

王崇慶山海經釋義十八卷

胡文煥山海經圖二卷

山海經古文一卷金石韻府引靈貍獮二字

山海經目本文三萬九百十九字注二萬三百五十字總  
五萬一千二百六十九字

古序說

西漢劉秀字子駿上山海經奏曰侍中奉車都尉光祿大夫

臣秀領校秘書言校秘書太常屬臣望所校山海經凡三

十二篇今定為一十八篇已定山海經者出于唐虞之際

昔洪水洋溢漫衍中國民人失據崎嶇於邱陵巢於樹木

鯨既無功而帝堯使禹繼之禹乘四載隨山刊木定高山

大川益與伯翳主驅禽獸命山川類草木別水土四嶽佐

之以周四方逮人跡之所希至及舟輿之所罕到內別五

方之山外分八方之海紀其珍寶奇物異方之所生水土



山海經卷之七  
草木禽獸昆蟲麟鳳之所止禎祥之所隱及四海之外絕  
域之國殊類之人禹別九州任土作貢而益等類物善惡  
著山海經皆聖賢之遺事古文之著明者也其事質明有  
信孝武皇帝時常有獻異鳥者食之百物所不肯食東方  
朔見之言其鳥名又言其所當食如朔言問朔何以知之  
卽山海經所出也孝宣帝時擊磻石於上郡陷得石室其  
中有反縛盜械人時臣秀父向爲諫議大夫言此貳負之  
臣也詔問何以知之亦以山海經對其文曰貳負殺窳窳  
帝乃梏之疏屬之山桎其右足反縛兩手上大驚朝士由

是多奇山海經者文學大儒皆讀學以爲奇可以考禎祥  
變怪之物見遠國異人之謠俗故易曰言天下之至賾而  
不可亂也博物之君子其可不惑焉臣秀昧死謹上

東晉記室叅軍郭璞

字景純

山海經序曰世之覽山海經者

皆以其閎誕迂誇多奇怪俶儻之言莫不疑焉嘗試論之  
曰莊生有云人之所知莫若其所不知吾於山海經見之  
矣夫以宇宙之寥廓羣生之紛紜陰陽之煦蒸萬殊之區  
分精氣渾淆自相瀆薄遊魂靈怪觸像而構流形於山川  
麗狀于木石者惡可勝言乎然則摠其所以乖鼓之於一



響成其所以變混之於一象世之所謂異未知其所以異世之所謂不異未知其所以不異何者物不自異待我而後異異果在我非物異也故人見布而疑廣越人見罽而駭毳蓋信其習見而奇所希聞此人情之常蔽也今畧舉可以明之者陽火出于冰水陰鼠生于炎山而俗之論者莫之或怪及談山海經所載而生怪之是不怪所可怪而怪所不可怪也不怪所可怪則幾于無怪矣怪所不可怪則未始有可怪也夫能然所不可不可所不可然則理無不然矣案汲冢竹書及穆天子傳穆王西征見西王母

執壁帛之好獻錦組之屬穆王享王母於瑤池之上賦詩  
進來辭義可觀遂襲崑崙之邱遊軒轅之宮眺鍾山之嶺  
玩帝者之寶勒石王母之山紀跡元圃之上乃取其嘉木  
豔草奇鳥怪獸玉石珍瑰之器金膏燭銀之寶歸而殖養  
之於中國穆王駕八駿之乘右服盜驪左驂騮耳造父爲  
御犇戎爲右萬里長驚以周歷四荒名山大川靡不登濟  
東升大人之堂西燕王母之廬南轍鼃鼃之梁北躡積羽  
之衢窮歡極娛然後旋歸案史記說穆王得盜驪騮耳驂  
騮之驥使造父御之以西巡狩見西王母樂而忘歸亦與



山海經廣注  
竹書同左傳曰穆王欲肆其心使天下皆有車轍馬跡焉  
竹書所載則是其事也而譙周之徒足爲通識瑰儒而雅  
不平此驗之史考以著其妄司馬遷叙大宛傳亦云自張  
騫使大夏之後窮河源惡覩所謂崑崙者乎至禹本紀山  
海經所有怪物余不敢言也不亦悲乎若竹書不潛出于  
千載以作徵于今日者則山海之言其幾乎廢矣若乃東  
方生曉畢方之名劉子政辨盜械之尸王頎訪兩面之客  
海民獲長臂之衣精驗潛効絕代懸符於戲羣惑者其可  
以少寤乎是故聖皇原化以極變象物以應怪鑿無滯蹟

曲盡幽情神焉瘦哉神焉瘦哉蓋此書跨世七代歷載三  
千雖暫顯于漢而尋亦寢廢其山川名號所在多有舛謬  
與今不同師訓莫傳遂將湮泯道之所存俗之所喪悲夫  
余有懼焉故爲之創傳疏其壅闕闢其荊蕪領其異致標  
其洞涉庶幾令逸文不墜于世奇言不絕于今夏后之迹  
靡刊於將來八荒之事有聞於後裔不亦可乎夫翳繪之  
翔叵以論垂天之凌蹄涔之遊無以知絳虬之騰鈞天之  
庭豈伶人之所躡無航之津豈蒼兕之所涉非天下之至  
通難與言山海之義矣嗚呼達觀博物之客其鑒之哉



陳氏宋人書目說山海經曰漢侍中奉車都尉臣秀所校  
 祕書秀即劉歆也晉郭璞注案唐志二十三卷音二卷今  
 本錫山尤袤延之校定世傳禹益所作其事見吳越春秋  
 曰禹東巡登南嶽得金簡玉字通水之理遂行四瀆與益  
 共謀所至使益疏而記之名山海經此其為說恢誕不典  
 司馬遷曰言九州山川尚書近之矣至禹本紀山海經所  
 書怪物余不敢言之也可謂名言孰曰多愛乎故尤跋明  
 其非禹伯翳所作而以為先秦古書無疑然莫能明其何  
 人也洪慶善補注楚辭引山海經淮南子以釋天問而晦

翁則曰古今說天問者皆本此二書今以文意考之疑此  
 二書本皆緣解天問而作此可以破千載之惑古今相傳  
 既久姑以冠地理書之錄

王應麟

字伯厚  
宋人

山海經考證曰隋志相傳以為夏禹所記

二十三卷郭璞注劉歆所定書其南西北東及中山號五  
 藏經凡五篇其文最多海內海外大荒三經南西北東各  
 四篇并海內經一篇總十八篇多者十餘簡少者二三簡  
 其卷後或題建平元年四月丙戌待詔太常屬臣望校治  
 侍中光祿勳臣龔侍中奉車都尉光祿大夫臣秀領主省



顏之推曰山海經禹益所記而有長沙零陵桂陽諸暨後人所羸非本文也通典以爲恢怪不經疑夫子刪詩書後尚奇者所作或先有其書如詭誕之言必後人所加也郭璞序曰東方生曉畢方之名劉子政辨盜械之尸王願訪兩面之容海民獲長臂之衣精驗潛効絕代懸符論衡謂董仲舒觀重常之身劉子政曉貳負之尸皆見山海經故能立二事之說今本十八卷劉歆定爲十八篇多於志五篇固已不同尤袁定爲先秦之書非禹及伯翳所作晁氏曰長沙零陵雁門皆郡縣名又載禹鯀後人參益之薛氏

曰左傳稱大禹鑄鼎象物以知神姦入山林者不逢不若山海經所述不幾是也經言大川所出及舜所葬皆秦漢時郡縣又有成湯文王之事管子之文其非先秦有夏遺書審矣劉歆直云伯益所記又分伯益伯翳以爲二人皆未之詳考于史公記漢西京書非後世之作也山海經要爲有本于古秦漢增益之書太史公謂言九州山川尚書近之至山海經禹本紀所言怪物余不敢言也然哉

楊慎

字用修明人

山海經後序曰左傳曰昔夏氏之方有德也

遠方圖物貢金九牧鑄鼎象物物物而爲之備使民知神



姦入山林不逢不若魑魅魍魎莫能逢之此山海經之所由始也神禹既錫玄圭以成水功遂受舜禪以家天下於是乎收九牧之金以鑄鼎鼎之象則取遠方之圖山之奇水之奇草之奇木之奇禽之奇獸之奇說其形著其生別其性分其類其神奇殊彙駭世驚聽者或見或聞或恒有或時有或不必有皆一一書焉蓋其經而可守者具在禹貢奇而不法者則備在九鼎九鼎既成以觀萬國同彼象而魏之日使耳而目之脫輜軒之使重譯之貢續有呈焉固以爲恒而不怪矣此聖王明民牖俗之意也夏后氏之

世雖曰尚忠而文反過於成周太史終古藏古今之圖至桀焚黃圖終古乃抱之以歸殷又史言孔甲于黃帝姚姒盤盂之銘皆緝之以爲書則九鼎之圖其傳固出于終古孔甲之流也謂之曰山海圖其文則謂之山海經至秦而九鼎亾獨圖與經存晉陶潛詩流觀山海圖阮氏七錄有張僧繇山海圖可證已今則經存而圖亾後人因其義例而推廣之益以秦漢郡縣地名故讀者疑信相半信者直以爲禹益所著既述其原而疑者遂斥爲後人贗作詭譎抑亦軋矣漢劉歆七略所上其文古矣晉郭璞注釋所序



其說奇矣此書之傳二子之功與但其著作之源後學或忽故著其說附之筭尾

胡應麟字元瑞說山海經曰山海經古今語怪之祖劉歆謂

夏后伯翳撰無論其事即其文與典謨禹貢迥不類也余嘗疑戰國好奇之士本穆天子傳之文與事而侈大博極之雜傳以汲冢紀年之異聞周書王會之詭物離騷天問之遐旨南華鄭圃之寓言以成此書而其叙述高簡詞義淳質名號俚詭絕自成家故雖本會萃諸書而讀之反若諸書之取證乎此者而實弗然也穆天子傳晉始出而此

書漢世獨完緣是前代文人率未能定其先後余首發之于此俟大雅君子商焉見筆叢

又曰山海經本書不言禹益撰劉歆校定以為禹任上作貢而益等類物善惡著山海經蓋億度疑信之言趙氏吳越春秋因禹登會稽遂撰為金簡玉字之說趙東漢人在劉歆後其偽無疑讀者但以禹益治水不當至海外而怪誕之詞聖人所不道以破之而不據其本書案經稱夏后啓事者三又言殷王子亥又言文王墓凡商周之事不一而足晁氏但疑長沙桂陵數郡名及鯀湮息壤等文夫鯀



事固禹益所覩商周易從知之哉

又曰此書蓋周末文人因禹鑄九鼎圖象百物使民入山林川澤備知神姦之說故所記多魑魅魍魎之類而於禹為特詳

又曰始余讀山海經而疑其本穆天子傳雜錄離騷莊列傳會以成者然以出于先秦未敢自信載讀楚辭辨證云古今說天問者皆本山海經淮南子今以文意考之疑此二書皆緣天問而作則紫陽已先得矣然經所紀山川神鬼凡離騷九歌遠遊二招中稍涉奇怪者悉為說以實之

不獨天問也而其文體特類穆天子傳故余斷以為戰國好奇之士取穆王傳雜錄莊列離騷周書晉乘以成者自非熟讀諸書及此經本末不易信也後世必有以余為知言者

又曰經載叔均方畊謹鬼方捕魚長臂人兩手各操一魚豎亥右手把算羿執弓矢鑿齒執盾此類皆與紀事之詞大異近世坊間戲取山海經怪物為圖意古先有斯圖撰者因而紀之故其文義應爾及讀王伯厚王會補傳引朱子曰山海經紀諸異物飛走之類多云東向或云東首疑



本依圖畫而述之古有此學如九歌天問皆其類余意頓爾釋然甚矣紫陽之善讀書也卽此文義之間古今博雅所未究而獨能察之况平生精力萃于經傳者可淺窺乎又曰古人著書卽幻說必有所本山海經之稱禹也名山大川遐方絕域固本治水作貢之文至異禽詭獸鬼域之狀充斥簡編雖戰國浮誇之習乃禹貢則亾一焉而何以傳合也偶讀左傳王孫滿之對楚子曰昔夏之方有德也遠方圖物貢金九牧鑄鼎象物百物而爲之備使民知神姦故民入川澤山林魑魅魍魎莫能逢之不覺灑然擊節

曰此山海經所由作乎蓋是書也其用意一根于怪所載人物靈祇非一而其形則皆魑魅魍魎之屬也考王孫之對雖一時辨給之談若其所稱圖象百物之說必有所本至于周末離騷莊列輩其流遂不可底極而一時能文之士因假穆天子之體縱橫附會勒成此書以傳于圖象百物之說意將以禹益欺天下後世而適以誣之也自此書之行古今學士但謂非出大禹而已而未有辨其本于穆滿之文者尤未有察其本于王孫之對者區區名義之末誠非大體所關然亦可見古今事理第殫精索之卽千載



以上無弗可窮也作者有靈其將為余絕倒于九京也哉

任臣曰胡氏之說山海經辨矣然疑為後人本穆天子傳楚辭諸書而作非實錄也愚論具讀山海經語中

程良孺字穉修說山海經曰夏禹伯益作山海經有長沙零

陵桂陽諸暨郡縣神農作本草而有豫章朱崖趙國常山

奉高真定臨淄馮翊等郡縣周公作爾雅而云張仲孝友

孔子作春秋而云孔某卒左卯明作世本而有漢高祖燕

王喜汲冢瑣語乃載秦望碑李斯作蒼頡篇而有漢兼天

下海內并厠豨黥韓覆畔討滅殘司馬遷作史記而有班

固叙贊劉向作列仙傳而贊云七十四人出佛經又作列

女傳其子歆足成之而有更始韓夫人明德馬皇后梁婦

人嫫傳北其為後人所屢何疑見讀書考定

劉維山海經策曰禹平水土主名山川伯益等類物善惡

著山海經與禹貢互相發明內別五方之山外分八方之

海山與水鎔成舟車之所罕到人類之所希觀凡一十八

篇或云孔子刪後所出或云漢臣劉歆等多所附益如長

沙零陵桂陽諸暨後人所屬而其為唐虞間書則近之蓋

禹貢為地平天成歸告成功而作是已成之書也是故以

冀充青徐荆揚豫梁雍定州以上中下鎔綜定賦其詞確



山海經爲隨山刊木創造經行而作是未成之書也故止以南西北東中定方隅而州則未定以海內外大荒定梗槩以鳥獸草木金玉人物紀珍怪而賦則未定其詞詳禹貢以尊京師爲主故首冀州充最下故次充雍最高故終雍崑崙最遠故以織皮與三國終之而無他賦山海經治之導之從其所自起天下山起崑崙故山海經首南山禹貢以定賦獻天子崑崙在荒僻外故不列九州止言導河自積石而非以河源自積石也山海經備載環海內外故得原其所起要其所止獨其海外與大荒五方與海內辭

多類而事復則經度之始原爲未成大抵君子道其常達人觀其變語其正則盡之禹貢語其變則慨之山經至若經言貳負之臣帝桎之疏屬之山極其足縛其兩手至漢宣帝時猶驗此可爲貳心之臣戒有域民之國射蜮是食爲鬼爲蜮則不可得射而食之此可爲邪民戒豐次玉門日月所入倚天蘇門日月所生羲和之國浴日天虞浴月日月君象也而浴之此可爲夾輔日月者勸此卽無是事而理固足信况經備載之乎

陳一中論山海經曰山海經伯益真經劉氏郭氏經序羅



氏路史得之此可與虛心好古者道特筆續于漢儒之貂  
義濫于景純之觴耳察其所志皆山川之產財貨之出風  
土之俗祭祀之禮動植之情藥石之性灾祥之徵疾病之  
宜道里之數帝王之葬鬼神之神神明之胄無非經國福  
民之良博詢于山者野老廣采于絕域遐方南天北地不  
能無聞見之異兼收並錄無怪有彼此之殊故山海經為  
禹貢剩文有存無棄乃所謂聖人之至虛也千載之下東  
方生劉子政習之其應如神所見之廣所志之博都非後  
人能辨孰謂山海經非伯益之真乎

見蛙螢子

山海經逸文

應劭漢地理志沚氏縣注引山海經曰沚水所出

史記正義引山海經云紫淵水出根耆之山西流注河

歐陽詢藝文類聚引山海經曰列缺電名

李善文選注引山海經曰閭風之山或上倍之是謂玄圃

或上倍之是謂大帝之居

孫愐唐韻云鮪魚名山山海經又云鵲鳥出山海經

韓鄂歲華紀麗引山海經曰狼山多毒草盛夏鳥過之不

能去



太平御覽引山海經曰獮搜食猛獸

東觀餘論引山海經曰南方山谷中有獸曰獮象鼻犀目牛尾虎足人寢其皮辟溫圖其形辟邪嗜銅鐵弗食他物王世貞異物彙苑亦引此又曰經一云白獮似熊十頭朱熹楚辭注引山海經曰禹治水有應龍以尾畫地卽水泉流通禹因而治之

虞厚合璧事類引山海經曰沃焦在碧海之東有石澗四萬里居百川之下故又名尾閼

高似孫緯略云山海經流沙之西丹山之南有鳳之圓圓

古卯字

郭象睽車志熙寧間泗州盱眙令自陳改名雍觀時王荆公當國怪其名云夢中神告如此其人後渡浮橋沒淮水事聞朝廷荆公白向疑雍觀名因閱山海經乃知爲水官之名故慮其有水厄也厥後縣僚時夢雍觀驪從甚盛往來淮岸云

王應麟漢藝文志考證引山海經曰伏羲氏得河圖夏后因之曰連山廣帝氏得河圖商人因之曰歸藏列山氏得河圖周人因之曰周易



困學紀聞載孝皇問王季海聳字何以从龍从耳對曰山海經龍聽以角不以耳又續文獻通考亦引此

吳淑事類賦注引山海經曰僊女降露僊人常飲之

李肇國史補引山海經云水獸好為害禹瑣之名巫支祈

輟耕錄又云山海經水獸好為雲雨禹鎖于軍山之下名無支祈

楊慎外集曰陸渾山山海經作賁渾案古陸字作畜賁渾當是畜渾之誤

楊慎均藻引山海經曰鳳九鳳卯也山穆即山冠

劉賡稽瑞錄引山海經曰鸞鳳之佐鳴中五音也

梅膺祚字彙引山海經云樛木煮其汁味甘可為酒

馮應京月令廣義引山海經曰道州有暖谷在寒亭之旁

茅溱韻譜本義引山海經曰蟹形如惠文青黑色十二足

悉在腹下長五六尺似蟹雌常負雄漁者取之必得其雙

董斯張廣博物志引山海經云崑崙縱廣萬里高萬一千

里有清河白河赤河黑河環其墟又引經曰九真郡居風

有風門常出風

程良孺讀書考定曰江海之有潮辰刻不移山海經則以

為海鱧出入穴之度郎瑛七脩類藁畢拱辰蟬雪喙言亦



引此云

程氏又曰金吾其形似美人首魚尾有兩翼其性通靈不睡出山海經博物志

郭紹孔正誤曰山海經神荼鬱壘海中二神人郭璞注神荼音伸舒鬱壘一作鬱律又作鬱壘張衡東京賦守以鬱壘是也戰國策作鬱雷沈休文作鬱肆王充作鬱壘音義同應劭風俗通楊慎古音複字羅泌餘論皆云出山海經戴埴鼠璞亦引山海經曰滄海之中度朔之山上有大桃木其屈蟠三千里其枝間東北曰鬼門萬鬼所出入也有

二神人一曰神荼一曰鬱壘

陳一中冠編引山海經云黃帝字律曰帝律

虞淳熙陰符演引山海經曰廣成子治屯蒙二卦黃帝之師也

夏樹芳詞林海錯曰山海經海神名馬銜一角而龍形

陳敬香譜引山海經曰丁香生東海及崑崙國二三月花開七月結實郭造卿永平府志亦引山海經曰丁香生東海及崑崙

白湛淵續演雅云嬰啼聞木枝註云見山海經



正韻註引山海經云楓木入地千年為虎魄

屠隆篇海云具茨山山名見山海經茨音快

篇韻引山海經云獫狁南極之人尾長數寸巢居山林

任臣案前文今本所無存之以備闕畧

山海經圖總目

讀山海經語

山海經雜述

第一卷

靈祇

第二卷

異域

第三卷

獸族

山海經圖

總目



山海經圖

第四卷

羽禽

第五卷

鱗介

山海經圖第一卷目錄

靈祇

鼓

陸吾

神媿

驕蟲

計蒙

蓐收

相柳

英招

帝江

泰逢

蠓圍

形天

燭陰

奢比

山海經圖卷一

目錄

靈祇



天吳

貳負之臣

九鳳

雨師妾

雷神

彊良


目錄  
卷一

鼓  
人面龍身  
居鍾山





英招 馬身人面虎文  
鳥翼司槐江山



陸吾 虎身九首人面虎  
爪司崑崙之丘






帝江

狀如黃囊赤如丹火六足  
四翼渾敦無面目居天山

二



神媿

人面獸身一足  
一手居剛山





泰逢 狀如人而虎尾和山之神也  
好居黃山之陽出入有光



驕蟲 狀如人而二首  
平逢山之神






巽圍 人面羊角虎爪處驕  
山恒遊于睢漳之淵



巽圍平豎山少佩  
非成人而二首

計蒙 人身龍首居光山恒遊  
于漳淵出入必有風雨





形天

無首操干戚而舞以乳為目以臍為口



蓐收

左耳有青蛇乘兩龍面目有毛虎爪執鉞西方金神也






相柳  
九首人面蛇身




燭陰  
人面蛇身赤色身長千里鍾山之神也





奢比獸身人面大  
耳珥兩青蛇



天吳虎身人面八首八足八尾  
朝陽谷之神一云十尾





雨師妾 黑身人面兩手各操一蛇  
左耳有青蛇右耳有赤蛇



貳負之臣 反縛兩手與髮桎其  
右足在疏屬之山






雷神 龍身人頭而鼓其腹在吳西

九



九鳳 九首人面鳥身居北極天橫之山



卷一

靈祇



彊良

虎首人身四蹄長肘銜  
蛇操蛇與九鳳同山



山海經圖第二卷目錄

異域

羽民國

謹頭國

厭火國

貫胸國

交脛國

三首國

長臂國

三身國

奇肱國

長股國

一云長股

無臂國

一目國

柔利國

聶耳國



毛民國

臯陽國

氐人國

小人國

一臂民


三面人

釘靈國

目錄卷二

羽民國

為人長頭身生羽  
毛在結胷國東南



山海經圖

卷二

異域



謹頭國 人面有翼鳥喙方  
捕魚在畢方東



厭火國 獸身黑色生火也  
其口中在謹頭東





交脛國  
為人交脛  
在穿胷東



貫胷國  
為人胸有竅  
在豸國東





長臂國  
其人手垂下  
地在焦僿東



三首國  
一身三首  
在鑿齒東





三身國  
一首而三身  
在海外西南

四



奇肱國  
其人一臂三日有陰有陽能作  
飛車從風遠行在一帶國北



卷二

異域



長股國

一云長脚脚過三丈在雄常樹之北

五



無脊國

為人無肥腸在長股東





柔利國 爲人一手一足反陳也  
足居上在一目國東



一目國 一目中其面而  
居在燭龍之東






聶耳國

為人耳長行則以手  
攝持之在無陽國東

七



毛民國

為人身生毛  
在海外東北





氏人國  
人面魚身無  
足在崖木西



梟陽國  
人面長唇黑身有毛見人  
笑亦笑笑則唇掩其目





一臂民  
鼻孔在手一已一目一



小人國  
在大荒東  
人長九寸

九





三面人 人頭三邊各有面  
無左臂居大荒山



釘靈國

其民從膝已下有毛  
馬蹄善走在康居北





山海經圖第三卷目錄

獸族

徃徃

鹿蜀

類

獬廌

九尾狐

長右

猾褊

羸

羆

蠱雕

臧羊

葱蘢

豪彘

猥如

山海經圖卷三

目錄

獸族





麤羊

舉父

土螻

狴

天狗

微狃

謹

蠻蠻

駮

鳥鼠同穴

臙疏

諸健

山獬

諸懷

騶馬

狍鴞

驪

天馬

飛鼠

狽狽

獬

羆  
倫山

從從

朱孺

獬獬

蠶姪

崱崱

蜚

馬腹

獺

并封

乘黃

騶吾

夔

旄馬

跡踴





徃徃

狀如禺而白耳伏  
行人走出招搖山

雙雙

目錄  
單卷三



鹿蜀 狀如馬而白首其文如虎而赤尾佩其皮宜子孫出柎陽山



類 狀如狸而有髦自為牝牡出豔爰山





傳詭

其狀如羊九尾四耳  
目在背出基山

二



九尾狐

狐身九尾能食  
人出青邱山



卷三

獸族



長右

狀如禺而四耳見  
則大水出長右山



大武人出青龍山

猾褊

狀如人而銳鬚音如斲木  
見則其縣有繇出堯光山





羆狀如羊而無口出洵山



羆狀如虎而牛尾音如吠犬是食人出浮玉山

四





臧羊

狀如羊而馬尾出錢來山



蟲雕

狀如雕而有角是食人出鹿吳山

五





葱龔 狀如羊而赤  
鬣出符禺山

葱龔 狀如羊而赤  
鬣出符禺山



豪豨 其狀如豚白毛大如  
笄而黑端出竹山








麩羊 似羊而大細角有圓繞蹙文夜刷  
懸角木上以防患翠山多此獸

猥如 狀如鹿而白尾馬足  
人手四角出鼻塗山





土獲  
狀如羊四角是食  
人出崑崙之邱



舉父  
狀如禺文臂善  
投出崇吾山





天狗 狀如狸而白 首出陰山



猼 狀如赤豹五尾一角 音如擊石出章莪山






謹  
狀如狸一目三  
尾出翼望山



獬豸  
狀如牛白身四角其毫如  
披蓑是食人出三危山








駘  
狀如馬而白身黑尾一角虎牙爪  
音如鼓音是食虎豹出中曲山

蠻  
鼠身鼈首音如  
吠犬出剛山





臙疏狀如馬一角有錯  
可以辟火出帶山



鳥鼠同穴鳥名餘鼠名鼯共處  
一穴在今渭原縣






諸犍

狀如豹而長尾人身牛耳一目行則銜其尾居則蟠其尾出單張山

十三



山獬

狀如犬而人面善投見人則笑其行如風見則大風出獄法山



卷三


獸族



諸懷

牛形四角人目羸耳  
是食人出北嶽山

十四



駢馬

牛尾而白身  
角出旄水中



卷三

獸族



狗鴉 羊身人面目在腋下虎齒  
人爪是食人出鉤吾山



驩 狀如麋羊四角馬尾  
而有距出太行山





天馬狀如白犬而黑頭有肉翅能飛出馬成山



飛鼠狀如兔而鼠首以其背飛出天池山






獬豸  
牛形三足  
出乾山



獬豸  
狀如羊一角一目  
在耳後出秦戲山






從從  
狀如犬而六  
足出拘狀山




羆  
狀如麋其川在  
尾上出倫山






朱獮狀如狐而魚翼見則其國有恐出耿山




獬豸狀如狐而有翼見則大旱出姑逢山





崧崧 狀如馬而羊目四角見  
則國多狡客出礪山




蠶姪 狀如狐而九尾九  
首虎爪出鳧麗山

二十





蜚狀如牛而白首一目蛇尾見則大疫出太山



馬腹兒人面虎身音如嬰是食人出伊水





獬豸狀如犮犬而有鱗其毛如薤鬣出瀟瀟之水



獬豸狀如犮犬而有鱗其毛如薤鬣出瀟瀟之水

并封狀如薤前  
黑色出巫

皆有首  
國之東





乘黃狀如狐其背上有角乘之壽二千歲出自民國



騶虞狀如虎而五彩畢具尾長於身乘之日行千里出林氏國






夔狀如牛蒼身而無角一足  
出入必有風雨出流波山



旄馬狀如馬而足有四  
節垂毛出南海外





跡踢獸形左右有  
首出流沙河



雙雙三青獸合體為一  
亦出流沙之東





山海經圖第四卷目錄

羽禽

鷓鴣

鴝

瞿如

鵲

橐蜚

鷓

鳧溪

蠻蠻

畢方

鳴三危

鷓鴣

山翼望

人面鴞

寓鳥

棘斯

山海經圖卷四

目錄

羽禽



鷲鷗

鷲鳥

鷲

酸與

蜚鼠

馱鳥

跂踵

鰲鳥

山海經圖卷四

目錄卷四

鷲鷗狀如雞而三首六目六足三翼出基山





鴝狀如鴟而人面人手見  
其鬚多放士出恒山



瞿如  
狀如鴟而白首三  
足出禱過山





豪毳

狀如梟人面一足冬見夏蟄出踰次山




顯狀如梟人面四目有耳見顯則天下大旱出令丘山





鷓鴣狀如鵲赤黑兩首四足  
出則可以禦火出翠山



鳧  
狀如雄雞而人面見  
則有兵出鹿臺山





蠻蠻狀如鳧而一翼二目相得  
乃飛見則大水出崇吾山



鵠鷁狀如鳥三首六尾  
善笑出翼望山





人面鵝

其狀如鵝人面雌身犬尾見則大旱出醯蠃山

六



畢方

狀如鶴一足赤文青質白象見則有譌火出章莪山






鷓鴣一首三身其狀如鷓出三危山

五



寓鳥狀如鼠而鳥翼其音如羊可以禦兵出號山



卷四

羽禽




竦斯 狀如雌雉而人面見  
人則躍出灌題山

七



鷲鷗 狀如鳥人面背飛  
而畫伏出北囂山



卷四

羽禽




鷩鳥狀如夸父四翼一目大尾出梁渠山

八



鷮狀如鵠白身赤尾六足出太行山




卷四

羽禽




酸與見狀如蛇而四翼六目三足  
見則其邑有恐出景山



蜚鼠


狀如雞而鼠毛見  
則大旱出柶狀山






歧踵

狀如鴉一足翫尾見  
則火疫出復州山




馱鳥

狀如梟而三目有  
耳出首山之杻谷





鱗鳥 青鳥身黃赤足六首出互人國



山海經圖第五卷目錄

鱗介

旋龜

赤鱗

鮮魚

鰓魚 桃水

羸魚

儵魚

鰓鰓魚

鱧魚

肥蠟 太華山

文鯨魚

冉遺魚

鰲魼魚

何羅魚

長蛇



鱗魚

鮪魚

肥遺

山 渾夕

人魚

倮螭

珠螿魚

鯨魚

薄魚

鯨魚

子 桐 水

鳴蛇

化蛇

飛魚

正 回 水

三足龜

巴蛇

陵魚

應龍


旋龜

狀如龜而鳥首 尾出怪水






赤鱮 狀如魚而人面出英水



鱧魚 狀如牛陵居蛇尾有翼其羽在鮓下出柢山






肥蠃 蛇形六足四翼見  
則大旱出太華山




鮮魚 其狀如鼈其音  
如羊出禺水






支鱗魚

狀如鯉魚鳥翼蒼文白首赤喙  
常從西海飛游東海出觀水



鱗魚  
如蛇四足  
出桃水






冉遺魚 魚身蛇首六足目  
如馬耳出流冰

四



羸魚 魚身鳥翼見則  
大水出深水




卷五


鱸介




鯨鯢魚 狀如覆鉢鳥首而魚翼魚尾音如磬石之聲是生珠玉出濫水



儵魚 狀如雞赤毛三尾六足四目食之已憂出鼓水








鱗鱗魚  
狀如鵞而十翼鱗皆在  
羽端禦火治瘴出巖水

何羅魚  
一首十身食之  
已癰出譙水






鱧魚狀如鯉而鱗足  
出澗澤之水




長蛇長百尋毛如毳豪音  
如鼓析出大咸山





肥遺  
一首兩身見  
大旱出  
澤夕山



鮪魚  
魚身犬首音如嬰兒  
食之已狂出諸懷水





人魚 狀如鱗魚 四足 是音如嬰兒 食之療痲 出泱泱之水




條𪊑 狀如黃蛇 魚翼 見則 大旱 出末塗之水





鯨魚 狀如鯉六足  
鳥尾出深澤



珠蟹魚 其狀如肺六足四  
目有珠出澧水






薄魚 狀如鱸一目見  
則大旱出膏水



鱗魚 狀如魚而鳥翼見  
則大旱出子桐水






鳴蛇如蛇而四翼其音如磬見則大旱出鮮山




化蛇人面而豹身鳥翼蛇行見則大水出陽水





三足龜  
出狂水食  
之可消腫



飛魚  
狀如豚而赤文服之不  
畏雷可禦兵出正回水





陵魚  
人身手足魚  
身在海中



巴蛇  
長千尋食象三歲  
而出其骨出巴山





應龍 龍身有翼  
處南極



右山海經圖五卷凡一百四十四圖爲靈祇者二十  
**爲異域者**二十有一爲獸族者五十有一爲羽禽者  
二十有二爲鱗介者三十奇形怪物靡不悉陳異獸  
珍禽燦然畢具中間若肥蠃與肥遺攸分蠻鳥與蠻  
鼠迥別以至桃水之鰮子桐水之鰮字同音異而浮  
玉之彘倫山之羆三危之場又與世所稱曰彘曰羆  
曰鴟者有殊咸爲分形析象用辨微芒昔人識疏屬  
之尸知一足之鳥審駮馬之狀證孟婆之神往往載  
諸史籍以爲美譚卽此 而循覽周回亦庶幾遇物



山海經圖  
能名無庸冥索矣舊舒雅咸平圖十卷計二百四十  
二種今登其詭異以類相次而見聞所及者都爲闕

加云

康熙六年夏五吳任巨謹



